



# САМУРДИН

## СЕС

«Магъарамдхуьруьн район» МР-дин  
общественно- политический газет.  
Общественно-политическая газета  
МР «Магарамкентский район».

Газет 1951- йисалай акъатзава. № 1 (7875) ислен, 1-январь 2018- йис. Къимет 6 манат.

## Цийи йисан тебрик

«Магъарамдхуьруьн район» МР-дин  
Администрациядин къил,  
Фарид АГЪМЕДОВ.



**ГЪУЪРМЕТЛУ РАЙОНЭГЪЛИЯР,  
КВЕЗ ЦИЙИ ЙИС МУБАРАКРАЙ!**

Цийи йисан сувар им неинки хъсан умуд-  
рин ва гуьзлемшизавай шад хабаррин вахт,  
гъакI цийи крарик къил кутазвай легъзени я.  
Гъавилай чна и сувар ми хъи гъиссер ва чехи  
умудар аваз къаришиламини ийизва. Адавай  
хъсанвилехъ дегшивилер гуьзлемшизава.

Къуй 2018 –йис вири районэгълияр патал  
агалкъунринди ва бегъерлу Квалахдинди, шад  
хабарринди хъурай. Къуй куь эрзиман мура-  
дар ва умудар къилиз акъатрай, куь хъсан  
фикирар ва планар уьмуьрдиз кечирмиш хъу-  
рай!

Къуй квехъ мягъкем сагъвал, ислягъвал,  
бахтар ва хушбахтвал хъурай!



**Т Е Б Р И К**

«Магъарамдхуъруьн район»  
муниципальный райондин Администрациядин кыл  
Фарид Загъидинович АГЪМЕДОВАЗ

ГЪУЪРМЕТЛУ Фарид Загъидинович, за квез, райондин руководстводиз ва вири районэгълийриз алуькнавай 2018 лагъай Цийи йис риклин сидкъидай мубаракзава. Эхиримжи йисара, Куь регъбервилек кваз, район экономикадинни яшайишдин вири хилерай инанмишвилелди вилик финал зун гзаф шад я ва и кардал, районэгъли яз, зани дамахзава. За квехъ гележегда мадни еке агалкьунар хьун гуьзлемишзава.



**Т. ИСМАИЛОВ,**  
РД-дин Халкъдин Собраниедин депутат.



**ЧУХСАГЪУЛ**  
«Самурдин сес» газетдин коллективди 2018- йис патал газет кхьинин карда активвилелди иштирак аеур образованиедин Управлениедин начальник Абейдуллаев Улубегаз, ЦРБ-дин кьилин духтур Беглеров Гъжибаладиз риклин сидкъидай чухсагъул ва баркалла лугъузев.

**МУБАРАКЗАВА**  
Гъуьрметлу кьелемдин юлдашар! Квез алуькнавай Цийи йис мубаракрай!  
Чахъ галаз санал бегъерлувилелди кваллах авунай чухсагъул. Квез алуькнавай йисуз мягъкем сагъвал, хизанда хушбахтвал хьун чи мурад я.

«Самурдин сес»  
газетдин коллектив.


**2018- ЙИС - КИЦИН ЙИС**



Яраб шумуд жуьре кицлер  
Аватла и дуьньяда?  
Лап гзаф я абрун жинсер-  
Виш жуьрени аквада.  
Ишаратдин гъаавурдани  
Садбур тадиз акьада.  
Сад вафалу дуст жеда ваз,  
Сада бирдан вун кьада.  
Сад я сергъят хуьзвай аскер,  
Сад- башклул хьиз руьквада.  
Кицликай ваз вафалу дуст  
Хьун, гьелбетда, хъсан я,  
Вун кицлин дуст жез тахьурай,  
Ваз чир хьухь, вун инсан я.



# Цийи йисан тебрикар



АЛАТАЙ йисан эхирда кыле фейи «Йисан малим -2017» конкурсдин райондин этапдин гъалибчи, Советск хуьруьн юкьван школадин сифтегъан классрин малим, гъурметлу коллега, играми диде Мамедгъуьсейнова Анжела Къагъримановнадиз хъанвай агалкьун ва алуькзавай цийи йис риклин сидкыдай мубаракзава ва ихътин члалар багъишзава:

Ви чирвилерин залан парар  
Гъвечли балайриз багъишиз.  
Йисан малим лагъай пак твар  
Алакьна валай къазанмишиз.

Мубарак хъуй ваз и сувар  
Ви кеспидик берекат хъуй.  
Цийи йисуз цийи тварар  
Къазанмишдай къуватар хъуй!



ДЕРБЕНТ шегъердин къадим Нарын къеледа 2017 – йисан июлдин вацра кыле фейи «Лезги сес» конкурс – фестивалда иштиракай ашукъ Айдунни ва Советск хуьруьн юкьван школадин малим Эсфира Хаспулатова галай дуэт (Магъарамдхуьруьн район) гъалиб хъанай. Адет хъанвайвал, и конкурс-фестиваль гъар йисуз кыле тухузва. Декабрдин вацра «Дербент перекресток цивилизаций» лишандик кваз кыле фейи фестиваль-форумда чи устларри агалкьун тикрарна ва «Виридалай хъсан дуэт» номинацияда гъалиб хъана. Къейд тавуна жедач абуру тамамарай «Квара-гичин» манидин музыкани члалар Эсфира малимди теснифнавайбур я. Ихътин бажарагълу дуэтдиз шиирдалди тебрикзава;

Чи устларрин сесер ширин,  
Тамамарай «Квара – гичин»,  
Тахъуй валлагъ куьн чи вилин.  
Куьн райондин дамах я.




Къати хъуй куь чунгуьрдин сес,  
Чанда хкахъ тийир гъевес,  
Квехъ сагъ чанни ширин мез,  
Хъун тlалабда элкъвез элкъвез.

2017 – ЙИСУЗ гъар жуьре турнирра, чемпионатра, анжах кlвенкlвечи чкайриз лайихлу хъайи, Европадин чемпион тlвар къазанмишай, райондин «Самур» спортшколадин тербиячи Мурадхан Зингъароваз;

Муьтlугъарай Европадин майдан,  
Дамахзава вал Мурадхан,  
Ви гъар са женг дяве хъана,  
Ви бахтунин вяде хъана.

Къазанмишай дережаяр,  
Ви багърийриз язва сувар,  
Ви гъалибвилер чна гуьзетда,  
Тебрикдайвал чи газетдай.





**год собаки  
2018**

	<b>ЯНВАРЬ</b>	<b>ФЕВРАЛЬ</b>	<b>МАРТ</b>	<b>АПРЕЛЬ</b>	<b>МАЙ</b>	<b>ИЮНЬ</b>	
Пн	1 8 15 22 29	5 12 19 26	5 12 19 26	2 9 16 23 30	7 14 21 28	4 11 18 25	Пн
Вт	2 9 16 23 30	6 13 20 27	6 13 20 27	3 10 17 24	1 8 15 22 29	5 12 19 26	Вт
Ср	3 10 17 24 31	7 14 21 28	7 14 21 28	4 11 18 25	2 9 16 23 30	6 13 20 27	Ср
Чт	4 11 18 25	1 8 15 22	1 8 15 22 29	5 12 19 26	3 10 17 24 31	7 14 21 28	Чт
Пт	5 12 19 26	2 9 16 23	2 9 16 23 30	6 13 20 27	4 11 18 25	1 8 15 22 29	Пт
Сб	6 13 20 27	3 10 17 24	3 10 17 24 31	7 14 21 28	5 12 19 26	2 9 16 23 30	Сб
Вс	7 14 21 28	4 11 18 25	4 11 18 25	1 8 15 22 29	6 13 20 27	3 10 17 24	Вс
	<b>ИЮЛЬ</b>	<b>АВГУСТ</b>	<b>СЕНТЯБРЬ</b>	<b>ОКТАБРЬ</b>	<b>НОЯБРЬ</b>	<b>ДЕКАБРЬ</b>	
Пн	2 9 16 23 30	6 13 20 27	3 10 17 24	1 8 15 22 29	5 12 19 26	3 10 17 24 31	Пн
Вт	3 10 17 24 31	7 14 21 28	4 11 18 25	2 9 16 23 30	6 13 20 27	4 11 18 25	Вт
Ср	4 11 18 25	1 8 15 22 29	5 12 19 26	3 10 17 24 31	7 14 21 28	5 12 19 26	Ср
Чт	5 12 19 26	2 9 16 23 30	6 13 20 27	4 11 18 25	1 8 15 22 29	6 13 20 27	Чт
Пт	6 13 20 27	3 10 17 24 31	7 14 21 28	5 12 19 26	2 9 16 23 30	7 14 21 28	Пт
Сб	7 14 21 28	4 11 18 25	1 8 15 22 29	6 13 20 27	3 10 17 24	1 8 15 22 29	Сб
Вс	1 8 15 22 29	5 12 19 26	2 9 16 23 30	7 14 21 28	4 11 18 25	2 9 16 23 30	Вс





## КЪАСТУНАЛ КІЕВИ ИНСАН



МАЦАРИН хуър Ахцегь райондин дагълух, къадимлу, малдарвилел машгъл хъайи, мишекъат шартларини, дарвили гзаф итимар къил хуъз Азербайжандиз, Юкъван Азиядиз рекъе тур хуърерикай са хуър тир.

Рагъметлу Абдурогъманов Абдулмелик бубадин хизанни абурукай сад тир. Къисметди Мацарин хуъруьн жемят Магъарамдхуъруьн райондин Буткъазмайрал акъудна. Гъеле Мацарин хуъре амаз Абдулмелик бубадин гадайри Сефермеликани Сабира малимвилин пешеяр хяна, армиядин жергейра къуллугъна хтана, чпин пешедай ківалах ийиз башламишна. Сефермелика биологиядин, Сабира урус чіаланни ва эдебиятдин тарсар гуз башламишна. Сабир малимди директорвилин ве-

зифаярни къилиз акъудна. Исятда Сабир малимди Буткъазмайрин юкъван школада ківалахзава. Вичин ківалахдин рекъай агалкъунар хуьниз килигна ам РФ-дин умуми образованиедин Гъуърметдин тварціиз ва грамотайриз лайихлу хяна. Сабир малимдин веледар тир Райидадини Навруза чпин бубадила ва имидилай чешне къачуна малимвилин пеше хяна. Райида Сулейман-Стальский райондин Шихит хуъруьн юкъван школадин директор я. Дербентдин педагогвилин колледж агалкъунралди акъалтарна, Навруз армиядин жергейриз фена. Исятда Навруза вичин бубадихъ галаз къуьнкъуьне туна гъвечі аялриз чирвилер гузва. Къилин категориядин малим яз Навруза алай девирдихъ галаз къадайвал компьютердин технологиядиз къетлен фикир гузва. Интернетда адаз вичин сайт (чин) ава. Малимриз проектар, ачух тарсарин планар, портфолияр туькьуриз къумек гузва. Вичин

хуси видео-камерадин къумекдалди малимрин, ківалахзавайбурун яратмишунар, школада, хуъре жезвай шадвилин мярекатар арадал акъудзава. Вичин ківалахда школадин ва райондин методобъединенийрихъ галаз сих алакъа хуъзва, докладар ийизва.

Вичин, школадин дережа патал Навруз малимди 2015 ва 2017 –йисара «Йисан малим» конкурсра иштиракна. 2017-йисан конкурсда Навруз мадимди «Настойчивость в достижении целей» (мурад къилиз акъудун патал алахъзавай, къастунал ківеи инсан) номинациядай сад лагъай чка къуна. Идалай къулухъни Навруз малимди «Йисан малим» конкурсда агалкъунралди иштирак ийидайдахъ чун инанмиш я.

Алукъзавай 2018- йис малимрин коллективди Сабир малимдиз, Райидадиз, Навруза ва абурун хизанриз риклин сидкъидай мабуракзава. Къуй квехъ мадни еке агалкъунар хуърай.

**Желил ЖЕЛИЛОВ.**

## ЗЕГЪМЕТДИ ИНСАН ГУЪРЧЕГАРДА



ХУЖАКЪАЗ-МАЙРИН М.К. К а з и е в а н тіварунихъ галай школада ківалахзавай Умарова Серинат

Абдулказимовади чи коллективда 1997-йисалай инихъ ківалахзава. Ада жуьреба-жуьре везифаяр тамамарна. Гъар гъи хиле ківалахнатлани, Серинат малимди вич хці рикі авай, вири патарихъай къетлен чирвилер ва кар алакъдай чешнелу малим яз къалурна. Ада тербия гайи аялри «Права человека глазами ребенка» конкурсда 1 ва 2- чкаяр къуна, грамотайриз

лайихлу хяна. Серинат хъсан малим хъиз, гъакі тешкилатчини я. Вичел тапшурмишай кар ада пакадал вегъедач, вахтунда истемишзавай къанунралди тамамарда.

Алай вахтунда Умарова Серината чи школада гъазурвилин группа къиле тухузва. Гъар пакамахъ ада милайимдаказ аялар ва абурун диде-бубаяр къабулзава, абурухъ галаз еке рафтарвал хуъзва. Вичин пешедал рикі алай Серината аялрихъ галаз тешкилзавай ківалах абурун паталди чіехи сувар я. Вичин тарсара программа ФГОС-дай истемишзавай тадаракар ишлемишиз аялрин

чирвилер хкажзава. Серинат малимди агъуз тир классра ківалахзавай малимрив ківелиз, хъиз, гъисабиз вердиш хъанвай тамам аялар вахкузва. Адан ківалахдилай са малимар ваъ, гъакі диде-бубаярни рази я ва адаз чухсагъул лугъузва.

Ихътин гъуърмет школадин администрациядин ва диде-бубайрин патай къазанмишун тімил ківалах туш.

Къуй, Серинат хътин малимар чахъ гзаф хуърай, къуй Ціийи йисуз адаз ціийи агалкъунрихъ даим камар къачудай сагъвал гурай.

**М. АБАСОВА.**

**РЕСПУБЛИКА ДАГЕСТАН СОБРАНИЕ ДЕПУТАТОВ МУНИЦИПАЛЬНОГО РАЙОНА  
«МАГАРАМКЕНТСКИЙ РАЙОН»  
РЕШЕНИЕ № 131 -VIсд**

«26» 12. 2017г.

с. Магарамкент.

**О назначении публичных слушаний по обсуждению вопроса предоставления разрешения на условно разрешенный вид использования земельного участка**

В соответствии со статьями 37, 39 Градостроительного кодекса Российской Федерации, со статьей 28 Федерального закона от 6 октября 2003 года «Об общих принципах организации местного самоуправления в Российской Федерации», Уставом МР «Магарамкентский район», Решением Собрания депутатов МР «Магарамкентский район» от 13 октября 2016г. № 60-VIсд «О внесении изменений в Решение Собрания депутатов муниципального района «Магарамкентский район» от 28 октября 2014года №190-VCд «Об утверждении Положения о публичных слушаниях в муниципальном районе «Магарамкентский район», Собрание депутатов МР «Магарамкентский район» р е ш а е т:

1. Назначить и провести 10.01. 2018г. в 10. 00 час. публичные слушания в здании администрации сельского поселения «сельсовет «Магарамкентский» муниципального района «Магарамкентский район» по обсуждению вопроса выдачи разрешения на условно разрешенный вид использования земельного участка, принадлежащего на праве собственности Балакардашеву Тажидину Балафендиевичу, с кадастровым номером 05:10:000001: 2015, площадью 750 кв. м, расположенного по адресу: Россия, Республика Дагестан, м. р-н «Магарамкентский район», с.п. «сельсовет «Магарамкентский», с. Магарамкент.

2. Комиссии по результатам публичных слушаний подготовить и предста-

вить главе муниципального района «Магарамкентский район» заключение и рекомендации о предоставлении разрешения на условно разрешенный вид использования или об отказе в предоставлении разрешения с указанием причин принятого решения.

3. МКУ «Отдел строительства, архитектуры и ЖКХ» МР «Магарамкентский район» подготовить проект постановления о предоставлении или об отказе в предоставлении разрешения на условно разрешенный вид использования земельного участка.

**И.о.председателя  
собрания депутатов  
МР «Магарамкентский район»  
М.И. Караева.**

**Фикрет ГЪАЖИЕВ**

## АЯЗ БУБА – ХОЗРАСЧЕТДАЛ

ГАТУН эхирра банкара арадал атай тIурфанди Аяз Бубадин дувуларни тамамвилелди бушарна. Цийи йис алуькдалди хуси бюджетдин кьил –кьилел хкун патал чIугур алахъунрини нетижа ганач. Государстводин куьмеждикайни тамамвилелди умуд атIана. Аяз Буба хозрасчетдал элячIуниз мажбур хьана.

-Вири уьлкве базардиз элкъевена. Маса чара авач, гьа алакъайрикай жувани менфят къачуна кланда.

Лагъана- авуна. Аяз Бубадин шив хътин «Волга» маса гана тачка хътин «Запорожец» къачуна. Амуькьай пул Цийи йисан савкъватар къачуниз чара авуна.

Аяз Буба вацIун а пата авай «Пелел» рекье гьатна. (Инсанрин лугъунриз килигна ана шейэр чи патарилай булни ялда, ужузни).

«Къизил муькъвел» агакъайла ам акъвазарна ва машиндай эвичIун эмирна. Аяз Бубадиз хъел атана, амма винелди акъуднач. Акси яз хъуьтуьл сесиналди лагъана:

-Зун Аяз Буба я. Зак тади ква.

-Вун нин буба ятIа заз чидач, амма им карантиндин пост я. Инал вири ахтармишдай, незир алайда садакьа гудай садавайни чIуриз тежедай адет ава. Гъавилляй ахъагъа ви машиндин багажник. -ИкI лагъана постунин иеси машиндин къулуьхъ фена гьилерни эчIез яна акъвазна.



Аяз Бубадин плузарар са жизни юзана, вилер хъуьрена. Ам вичихъ галаз рахазвай кас тама авай мегъуьн кланчIунилай са куьналдини тафаватлу тежезвайдан гъавурда акъуна. Ада сиви чъуькьни тавуна «Запорожецдин» къулуьхъ галай копот хкажна.

-Вагь! Багажникда авай и мотор вучтинди я? Ам гваз завай вун сергьятдилай ахъагъиз жедач. Физ

кланзаватIа, хатур хъурай ваз, ам инал тур, хкведайла вахчу, -кIевивална постунал алайда.

-Ам авудайла финихъ метлеб амуькьзавач, чехиди. За ам маса гуз ваь, ремонт ийиз тухузва. КIантIа хкведайла ахтармиш хъия. Ам гъа алай чкадал аламуькьда. Аяз Бубади ваз гаф гузва,- лагъана гьил жибиндиз вегьена.

Эхирни Аяз Бубадин захавили постунин иеси бушарна. Адаз фидай ихтияр гана, амма шартIуналди: мотор хкведайлани багажникда амуькун герек я. «Агъ фугъара,-фикирна Аяз Бубади, -«Запорожецдин» мотор вилик жедайди яни, тахъайтIа адан чка къулуьхъ кьил яни чин тийидай вал и пост гьикI ихтибарнавайди ятIа».

Аяз Бубади гъамиша хьиз, и сефердани вичин гаф хвена: элкъвена хкведайлани мотор «Запорожецдин» къулуьхъ галай «багажникда» амалда.



### ЦИЙИ ЙИСАН КРОССВОРД

**ДУЪЗ ЦИАРА:** 2. Ам вацрани, лампадини, гъетерини гуда. 3. Къилихдин везифаяр къиле тухузвай чка. 5. Дишегълидин тӱвар. 6. Гатанвай жигеррикай ацӱрнавай малдин ратар. 8. Пи, гъери, дуьдгъвер. 10. Ишлемиш тавунвай чил, я кутӱн тавунвай, я пурар ягъ тавунвай балкӱан. 11. Жуйгъен, цӱрекӱв, цӱлхем. 13. Хиве къун, са кар жуван хивез къачун. 15. Умуми, са шумуд касдин пай квай. 17. Накъвадикай къунвай къуьл хуьдай тапус. 20. Тамун вак. 22. Са патал мурз алай кӱвалин кӱвалахра ишлемишдай гапур. 24. Чинал шур, какаяр алаз чранвай хъран фу. 25. Мегътидин лам алцурарай майва. 26. Вири мусурманрин меркез. 27. Амалдар, гъарамзада, кефчи. 30. Чалма, къилел алайдал алчуднавай парча. 32. Гевгъер (чими уьлквейрин гъуьлерин клане жедай шкъуьнтрин къене жедай къаш). 34. Чирхчир, хванаха. 36. Мешребсуз, мешреб алачир, виле акван тийидай. 38. Хеси авун. 34. Садвал, виридан фикиррин садвал, виридан гаф сад хъун. 40. Дуьмдуьз, лап дуьз. 41. Кӱвалин шейӱр, имарат, дарамат.

**ТИК**

1. Арабадиз, балкӱандиз, ламраз пар ягъун. 3. Сив рахун тавуна гъилералди, гъилер, къил юзуруналди са вуч ятӱани лугъун. 4. Юбу, яхун, юхсул балкӱан. 6. Гъахътин рангадин ядни, циферни жеда. 7. Итимдин тӱвар. 9. Ам рапуналди цвалар ийидайла герек къведа. 10. Азарлу, сагъсуз инсан. 12. Ам квачир як жедач лугъуда. 14. Азад лежбер. 16. Дишегълидин тӱвар. 18. Гафар



**ЦИАРА:**

**Кроссворд туькӱуьрайди Фикрет ГЪАЖИЕВ я.**


гъалчун, паркутдалди рахун. 19. Суза, шел-хвал, хажалат чӱгун. 21. Къезил, залан тушир, алакьдай кар. 23. Луьткведин «гарун мотор». 28. Акъажунар ийидай, къуьруькар гвай кас. 29. Тешпигъвал, сад хътинвал. 30. Ялгъуз, текдиз авай. 31. Балкӱан михьдай векъи щетка. 32. Христианрин диндин чӱехи ктаб. 33. Тахсиркара жаздив агакъардай кас. 34. Пачагъ ацукъдай чка. 35. Лап къери спелар ва чуру авай кас. 37. Вацӱн, къубудин яд къун патал ядай «пару».

35. Къаса. 37. Банд.  
31. Хашав. 32. Инжил. 33. Жалпат. 34. Тахт.  
кен. 28. Уьнбаз. 29. Уьхшар. 30. Суьбай.  
18. Аьрам. 19. Аьрузар. 21. Асант. 23. Ен-  
10. Хенек. 12. Кӱараб. 14. Уьзӱден. 16. Айнар.  
ша. 6. Раьлу. 7. Рамиз. 9. Уьймах.  
1. Нуькӱамимшуьн. 3. Ишара. 4. Ала-

**ЦИАРА:**

41. Аваданлуьх.  
39. Раисадал. 40. Айна.  
нинш. 36. Желӱб. 38. Ахта.  
30. Сирих. 32. Инжи. 34. Та-  
зар. 26. Мекке. 27. Луьту.  
неф. 24. Аьлуа. 25. Га-  
20. Къабан. 22. Га-  
15. Уртах. 17. Канду.  
11. Цӱтам. 13. Нӱзурь.  
Яьлу. 10. Хаму.  
мат. 6. Расукар. 8.  
3. Идара. 5. Раьби-  
**ЦИАРА:** 2. Эвк.  
**ДУЪЗ**

**ЖАВАБ:**



**У К А З**  
Главы  
Республики Дагестан

О награждении государственной наградой Республики Дагестан за заслуги перед республикой, достигнутые трудовые успехи и многолетнюю плодотворную работу наградить медалью «За доблестный труд»- **ЗАГИРОВА Мусаиба Мирзоевича**, руководителя Магарамкентского межрайонного отделения Дагестанской региональной организации Общероссийской общественной организации «Ассоциация работников правоохранительных органов и спецслужб Российской Федерации».



**ЦИЙИ ЙИС**

*Къвезва, къвезва Цийи йис чаз,  
Аяз буба къвенкъе аваз.  
Дагъни дере, тепе атлуз,  
Шад суйгъбетар, алхисар гваз.*

*Фургъунд чархар цаварай къвез,  
Куркурд ванер япариз къвез.  
Цийи йисан савкъватар гваз,  
Аяз буба мугъман я чаз.*

*Лацу бармак алаз къилел,  
Яцлу кавал алаз вичел.  
Яргъи чуру, ачух чин гваз,  
Атанва вич, лап эркин яз.*

*Елкадилай элкъвезва чун,  
Живед Ханум юкъва туна.  
Къуьлер ийиз, хъуьрезва чун,  
Аяз буба хъанвач яргъа.*

*Аяпри чпин гьунарар,  
Аяз бубадиз къалурзава.  
Ада вичин савкъватар,  
Вирибуруз пишкешзава.*

*Гзаф шад я аялар  
Гъиле къуна савкъватар.  
Сада-садаз ийизва,  
Цийи йисан тебрикар.*

**Саласа ГЪАЖИМЕТОВА.**  
**Гъепецегърин хуьр.**



**КЪАРАВИЛИЯР**

СА КАСДИ газетдиз гам храдай паб кланзава лагъана са шумудра малумат гана. Эхир сада хабар къазва:

-Яда, гам храдай паб чарасуз яни? Гам храз чин тийидайди хъайитла жедачни?

-Жедай, эгер зи къвале хъфеи папа куьтягъ тавунвай гамунин къат амачиртла.

\* \* \*

ПАПА ИТИМДИЗ модаяр авай журналдай эхиримжи хабарар гузва:

-Ци модадиз, чан итим, итимрин дуьгмеяр квачир пенжекар акъатда.

-Ахътин модадай зун физ цувад йис я.

\* \* \*

ПАТРУМДАШНИ чанта къачуна гъуьрчехъан къвалай экъечна. Къвалин велик квай синел акъатайла папа гуьгъуьниз гъарайзава:

-Я итим, тфенг рикълай фена, хтана тфенг вахчу.

-Ма гила хъана, чан паб, рекъелай элкъуьн хъсан кар туш, къвалах туйкълудач.

**ОБЪЯВЛЕНИЕ**

В соответствии с Федеральным законом " О международных договорах Российской Федерации " Правительством Российской Федерации и Правительством Республики Узбекистан подписано Соглашение об организованном наборе и привлечении граждан Республики Узбекистан для осуществления временной трудовой деятельности на территории РФ. К сведению работодателей Магарамкентского района сообщаем, что информация о наличии свободных рабочих мест и вакантных должностях для последующего трудоустройства граждан Республики Узбекистан находится на портале " Работа в России". Также всю необходимую информацию можно получить в ЦЗН Магарамкентского района.

Наш адрес: с. Магарамкент , ул. Сельхозтехники 1, тел. 55-18-25.

**Къилин редактор**  
**А. А. ИСМАИЛОВ.**

**Редакциядин адрес:**  
368780. РД, Магарамдхуьруьн район, Магарамдхуьр, Ленинан куьче.

Газет гъафтеда садра акъатзава.

**Учередители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магарамдхуьруьн район, Магарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.**  
**Чалун патал къул чуьгуна- 15.00.**

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче. Лезги члал.  
**Индекс 63340. Тираж**  
**Заказ № 1400**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

6+